

ქალაქ თბილისის მუნიციპალიტეტის ვაკის რაიონის გამგეობა



ქალაქ თბილისის მუნიციპალიტეტის ვაკის რაიონის გამგეობის ადმინისტრაციული
შენობის სახურავის შეკეთების სამუშაოების სახელმწიფო შესყიდვის
ელექტრონული ტენდერი აუქციონის გარეშე

CPV 45261910

სატენდერო დოკუმენტაცია

ქ. თბილისი
2016 წელი

სარჩევი

1. ინსტრუქცია ტენდერში მონაწილეთათვის.....	3
2. ტექნიკური დოკუმენტაცია.....	4
3. სახელმწიფო შესყიდვის შესახებ ხელშეკრულების პროექტი	7
4. დანართი N1 რეკვიზიტები.....	13
5. დანართი N2 ფასების ცხრილი	14
7. დანართი N3 მონაცემები პრეტენდენტის გამოცდილების შესახებ	16

1. ინსტრუქცია ელექტრონულ ტენდერში მონაწილეობის მისაღებად

1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით.

1.2 სახელმწიფო შესყიდვების ერთიანი ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანების შესაბამისად.

1.3 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიანი ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.5 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.7 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. თამარაშვილის ქ. N10ა.

საკონტაქტო პირი: ნათელა ელიზბარაშვილი ტელ: 577228523

2. ტექნიკური დავალება

გამარჯვებულმა პრეტენდენტმა უნდა უზრუნველყოს ქალაქ თბილისის მუნიციპალიტეტის ვაკის რაიონის გამგეობის ადმინისტრაციული შენობის ბრტყელი სახურავის შეკეთების სამუშაოების შესრულება, შემსყიდველის მიერ გადაცემული დეფექტური აქტის შესაბამისად:

№	სამუშაოს დასახელება	განზომილება	რაოდენობა
1	რბილ სახურავზე ძველი ტოლის და "სტიაშკის" მოხსნა	კვ.მ	106
2	პარაპეტის კედლების ლესვა ცემენტის ხსნარით 4მმ ყვითელი ქვიშა ცემენტი	კვ.მ	65
		კუბ.მ	2.6
		ტ	0.7
3	"სტიაშკის" მოწყოლა სახურავზე 4სმ ქვიშა ცემენტი	კვ.მ	41
		კუბ.მ	1,6
		ტ	0,4
4	მასალის ატანა სახურავზე (ცემენტი, ქვიშა, ლინოკრომი პრაიმერი გაზი)	ტ	9.4
5	სახურავის ზედაპირის დასუფთავება	კვ.მ	620
6	სახურავის დამუშავება პრაიმერით პრაიმერი	კვ.მ	620
		ლიტრი	186
7	სახურავზე ლინოკრომის მოწყოლა <i>პრაიმერის მასტიკაზე</i> ლინოკრომი 620:10=62 62X1.12 გაზი	კვ.მ	620
		ცალი	70
		კბ	124
8	ჰიდროსაიზოლაციო მასალის და სხვა საჭირო მასალების (თხ, გაზი ლინოკრომი პრაიმერი) აზიდვა სახურავზე	ტ	6.2
9	სამშენებლო ნარჩენების, ნაგვის ჩამოტანა და დატვირთვა ა/მანქანაზე	ტ	2
10	სამშენებლო ნარჩენების გატანა 25კმ	რეისი	1
11	სამშენებლო მასალის მოტანა(ქვიშა ცემენტი)	რეისი	1
12	დაზიანებული თუნუქის შეცვლა პარაპეტზე თუნუქი 12X0,45 ბეტონის ლურსმანი	გრძ.მ	12
		კვ.მ	5,4
		კბ	0,5
13	სამშენებლო მასალის მოტანა(ლინოკრომი პრაიმერი თხ.გაზი) 3,5 ტ	ტ	3.5

2.1. შესყიდვის სავარაუდო ღირებულება:

შესყიდვის სავარაუდო ღირებულება შეადგენს: 10 122 ლარს.

2.2. ანგარიშსწორების პირობები:

2.2.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის შესრულებასთან დაკავშირებული

ყველა გადასახადის გათვალისწინებით.

2.2.2. ანგარიშსწორება მოხდება უნაღდო ანგარიშსწორებით ლარში.

2.2.3. ანგარიშსწორება განხორციელდება ეტაპობრივად, მიღება-ჩაბარების აქტების გაფორმებიდან 10 (ათი) სამუშაო დღის განმავლობაში.

2.2.4. შესაძლებელია წინასწარი ანგარიშსწორება მიმწოდებლის მიერ წარმოდგენილი მოთხოვნის და მხოლოდ საქართველოს ეროვნული ბანკის მიერ ლიცენზირებული საბანკო დაწესებულების ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიის მიერ გაცემული გარანტიის საფუძველზე არაუმეტეს ხელშეკრულების ღირებულების 30%-სა. (ავანსის საბანკო გარანტიის ვადა 1 (ერთი) თვით უნდა აღემატებოდეს სამუშაოების დასრულების ვადას).

2.2.5. დაფინანსების წყარო ქალაქ თბილისის მუნიციპალიტეტის 2016 წლის ბიუჯეტით ვაკის რაიონის გამგეობისთვის დამტკიცებული ასიგნებები.

2.3. სამუშაოს შესრულების ადგილი, ვადა და პირობები:

2.3.1. სამუშაოს შესრულების ვადა: სამუშაოები უნდა შესრულდეს ეტაპობრივად, მაგრამ არაუგვიანეს 2016 წლის 20 დეკემბრისა.

2.3.2. სამუშაოს შესრულების ადგილი: ქ. თბილისი, თამარაშვილის ქ. N10ა, ვაკის რაიონის გამგეობის ადმინისტრაციული შენობა.

2.4. გამოცდილება.

პრეტენდენტს 2014 წლიდან დღემდე უნდა გააჩნდეს არანაკლებ 100 000.00 ლარის ღირებულების შენობის სამშენებლო-სარეაბილიტაციო (შეკეთების) სამუშაოების შესრულების გამოცდილება, რომელიც ინფორმაციის სახით მოცემული უნდა იყოს ცხრილის სახით (დანართი N3) და აღნიშნულის შესაბამისი დამადასტურებელი დოკუმენტაცია (ხელშეკრულებ(ებ)ა, მიღება-ჩაბარების აქტ(ებ)ი-ფორმა N2) ატვირთული უნდა იქნას ერთიან ელექტრონულ სისტემაში.

2.5. ფასწარმოქმნის ადექვატურობის დასაბუთება:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია წარმოადგინოს ფასწარმოქმნის ადექვატურობის დამადასტურებელი დოკუმენტი. კერძოდ პრეტენდენტის მიერ წარმოდგენილი უნდა იქნას სსიპ „ლევან სამხარაულის სახელობის ექსპერტიზის ეროვნული ბიუროს“ ან სხვა აკრედიტებული ექსპერტის მიერ გაცემული შესაბამისი დასკვნა. ექსპერტიზის დასკვნის წარმოდგენილობა ან/და უარყოფითი დასკვნის წარმოდგენა გამოიწვევს შესაბამისი პრეტენდენტის დისკვალიფიკაციას.

3. პრეტენდენტის მიერ ერთიან ელექტრონულ სისტემაში ასატვირთი მონაცემები:

3.1. პრეტენდენტმა უნდა წარმოადგინოს რეკვიზიტები (დანართი N1);

3.2. განფასების ცხრილი (დანართი N2);¹

3.4. ინფორმაცია 2014 წლიდან დღემდე არანაკლებ 100 000 ლარის ღირებულების შენობის სამშენებლო-სარეაბილიტაციო (შეკეთების) სამუშაოების შესრულების გამოცდილების შესახებ, რომელიც მოცემული უნდა იყოს ცხრილის სახით (დანართი N3). ამასთან ერთიანი ელექტრონული სისტემის მეშვეობით წარმოდგენილ უნდა იქნას ზემოაღნიშნული გამოცდილების დამადასტურებელი დოკუმენტაცია (ხელშეკრულებ(ებ)ა, მიღება-ჩაბარების აქტ(ებ)ი-ფორმა N2). ხოლო სახელმწიფო შესყიდვის განხორციელების შემთხვევაში პრეტენდენტს შეუძლია, ზემოხსენებულ ცხრილში მიუთითოს შესაბამისი SPA ან CMR ნომერი.

შენიშვნა:

1. პრეტენდენტის მიერ ელექტრონულ სისტემაში ატვირთული ყველა დოკუმენტი უნდა იყოს ბეჭდით (არსებობის შემთხვევაში) დამოწმებული და ხელმოწერილი უფლებამოსილი პირის მიერ.

2. წინამდებარე დოკუმენტაციის 3.2. პუნქტით გათვალისწინებული ხარჯთაღრიცხვა (დანართი 2) შედგენილ უნდა იქნეს საქართველოს მთავრობის 2014 წლის 14 იანვრის N55 დადგენილებით დამტკიცებული „ტექნიკური რეგლამენტის - სამშენებლო სამუშაოების სახელმწიფო შესყიდვისას ზედანდები ხარჯებისა და გეგმიური მოგების განსაზღვრის წესის“ შესაბამისად.

პირველადი ხარჯთაღრიცხვის დაზუსტების შემთხვევაში პრეტენდენტმა დაზუსტებული ხარჯთაღრიცხვა უნდა წარმოადგინოს ერთიან ელექტრონულ სისტემაში ატვირთულ პირველად ხარჯთაღრიცხვაში დაფიქსირებული ზედანდები ხარჯების და გეგმიური მოგების პროცენტული ოდენობის გაზრდის გარეშე.

4. სამუშაოების დასრულების შემდეგ 2 (ორი) წლის განმავლობაში რაიმე წუნის (ნაკლოვანებები, დეფექტი) აღმოჩენის

შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია მიმწოდებლის მიზეზით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით, შემსყიდველის მიერ წინასწარ წერილობით განსაზღვრულ ვადაში.

5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის ვაკის რაიონის გამგეობის თანამშრომლები (უფლებამოსილი პირები), ხოლო ტექნიკურ ზედამხედველობას, მათ შორის ფარული სამუშაოების ექსპერტიზას, ა(ა)იპ „თბილისის მუნიციპალური ლაბორატორია“.

6. შემსყიდველის მიერ სამუშაოს ან მისი ნაწილის მიღება ხორციელდება ა(ა)იპ „თბილისის მუნიციპალური ლაბორატორიის“ მიერ დადასტურებული ფორმა N2-ის საფუძველზე. ამასთან სამუშაოების ან მისი ნაწილის შესრულების თარიღად ჩაითვლება „შესრულებული სამუშაოების აქტში“ მითითებული თარიღი, დადასტურებული ტექნიკური ზედამხედველის მიერ.

¹ (ხარჯთაღრიცხვის წარმოუდგენლობა დაზუსტებას არ დაექვემდებარება და გამოიწვევს პრეტენდენტის დისკვალიფიკაციას).

ხელშეკრულება სახელმწიფო შესყიდვის შესახებ ელექტრონული ტენდერი აუქციონის გარეშე - NAT
დაფინანსების წყარო - ქალაქ თბილისის მუნიციპალიტეტის 2016 წლის ბიუჯეტით ვაკის რაიონის
გამგეობისთვის დამტკიცებული ასიგნებები

(ხელშეკრულების პირობები შეიძლება შეიცვალოს ან/და დაზუსტდეს ხელშეკრულების გაფორმების ეტაპზე)

ქ. თბილისი

“___” _____ 2016 წ.

ერთის მხრივ ქალაქ თბილისის მუნიციპალიტეტის ვაკის რაიონის გამგეობა (შემდგომში „შემსყიდველი“), წარმოდგენილი გამგებლის _____ სახით და მეორეს მხრივ ___ (შემდგომში „მიმწოდებელი“), წარმოდგენილი ___ სახით, ორივე ერთად წოდებული როგორც „მხარეები“, ვმოქმედებთ, რა საქართველოში მოქმედი კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „შემსყიდველი ორგანიზაცია“ (შემდგომში „შემსყიდველი“) - ორგანიზაცია (დაწესებულება), რომელიც ახორციელებს შესყიდვას;
- 1.4 „მიმწოდებელი“ - პირი, რომელმაც მოიპოვა გამარჯვება ტენდერში და ასრულებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ - კალენდარული დღე, კვირა, თვე, გარდა წინამდებარე ხელშეკრულებით გათვალისწინებული გამონაკლისისა.
- 1.6 „სამუშაო“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ქალაქ თბილისის მუნიციპალიტეტის ვაკის რაიონის გამგეობის ადმინისტრაციული შენობის სახურავის
შეკეთების სამუშაოების სახელმწიფო შესყიდვა
(CPV 45261910)

3. ხელშეკრულების ღირებულება, ვადები და შესრულების ადგილი

- 3.1 ხელშეკრულების ღირებულება შეადგენს ----- ლარს.
- 3.2 ხელშეკრულების ღირებულება მოიცავს როგორც შესასრულებელი სამუშაოს ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯსა და საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 3.4.1. სამუშაოს შესრულების ვადა: ეტაპობრივად, შემსყიდველის მიერ წერილობით განსაზღვრული ვადების შესაბამისად, მაგრამ არაუგვიანეს 2016 წლის 20 დეკემბრისა.
- 3.4 სამუშაოს შესრულების ადგილია: ქ. თბილისი, თამარაშვილის ქ. N10ა, ვაკის რაიონის გამგეობის ადმინისტრაციული შენობა.

მხარეთა მოვალეობები

- 4.1. მიმწოდებელი ვალდებულია:
 - 4.1.1. შეასრულოს წინამდებარე ხელშეკრულების მე-2 მუხლით გათვალისწინებული სამუშაო, შემსყიდველის მიერ გადაცემული დოკუმენტური აქტების მიხედვით, დანართი N___ - ის შესაბამისად.
 - 4.1.2. განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე, შემსყიდველის მიერ წერილობით დადგენილ ვადებში უზრუნველყოს აღმოჩენილი ხარვეზის გამოსწორება;
 - 4.1.3 ხელი შეუწყოს შემსყიდველს ინსპექტირების განხორციელებისას;

4.1.4. სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

4.1.5. საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

4.1.6. მიმწოდებელი ვალდებულია საკუთარი რესურსებით აწარმოოს სამუშაოების ხარისხის კონტროლი, კერძოდ: შესრულებული სამუშაოთა მაღალი ხარისხის უზრუნველსაყოფად მოქმედი სამშენებლო ნორმების შესაბამისად, შემსყიდველის მოთხოვნის შემთხვევაში, მიმწოდებელი ვალდებულია, მასალების გამოცდისათვის საჭირო სპეციალიზირებულ ლაბორატორიაში, ჩაატაროს გამოსაყენებელი მასალების ხარისხის ყველა საკონტროლო ლაბორატორიული გამოცდები და შემოწმებები მათი გამოყენების ვარგისიანობაზე. აღნიშნულიდან გამომდინარე სამუშაოების შესრულების დროს, მოთხოვნის შემთხვევაში, მიმწოდებელი ვალდებულია წარმოადგინოს გამოყენებული მასალების ლაბორატორიული დასკვნები და რეცეპტები, რომელთა ხარისხი უნდა შეესაბამებოდეს საქართველოში მოქმედ სტანდარტებსა და ნორმებს. დასკვნასთან ერთად წარმოდგენილი უნდა იქნას დასკვნის გამცემი ლაბორატორიის შესაბამის სფეროში ლიცენზირების დამადასტურებელი დოკუმენტის ნოტარიულად დამოწმებული ასლი.

4.1.7. დაიცვას შემსყიდველის მიერ, წინამდებარე ხელშეკრულების შესრულებასთან დაკავშირებით, წერილობით განსაზღვრული ვადები და პირობები.

4.1.8. უზრუნველყოს ამ ხელშეკრულებით გათვალისწინებული სხვა ვალდებულებების განხორციელება.

4.2. შემსყიდველი ვალდებულია:

4.2.1. უზრუნველყოს შესრულებული სამუშაოს წინამდებარე ხელშეკრულების პირობებთან შესაბამისობის კონტროლი და დადებითი შეფასების შემთხვევაში მისი მიღება;

4.2.2. განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი და საგარანტიო ვადა

5.1. ხელშეკრულების ფარგლებში შესასრულებელი სამშენებლო სამუშაოების ხარისხი უნდა შეესაბამებოდეს საქართველოს კანონმდებლობით გათვალისწინებულ სამშენებლო ნორმებისა და წესების მოთხოვნებსა და სტანდარტებს.

5.2. სამუშაოების დასრულების შემდეგ 2 (ორი) წლის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია მიმწოდებლის მიზეზით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით, შემსყიდველის მიერ წინასწარ წერილობით განსაზღვრულ ვადაში.

6. ხელშეკრულების შესრულების კონტროლი

6.1. შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის ვაკის რაიონის გამგეობის თანამშრომლები (უფლებამოსილი პირები), ხოლო ტექნიკურ ზედამხედველობას საექსპერტო ჯგუფი - ა(ა)იპ „თბილისის მუნიციპალური ლაბორატორია“.

6.3. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

6.4. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია, პერიოდულად ჩაატაროს ხარისხის კონტროლი და თუ აღმოჩნდება წუნი შესრულებულ სამუშაოში მიმწოდებელი ვალდებულია შემსყიდველის მიერ წერილობით დადგენილ ვადებში გამოასწოროს წუნი.

7. შესყიდვის ობიექტის მიღება-ჩაბარების წესი

7.1 შემსყიდველის მიერ სამუშაოს ან მისი ნაწილის მიღება ხორციელდება ა(ა)იპ „თბილისის მუნიციპალური ლაბორატორიის“ მიერ დადასტურებული ფორმა N2-ის საფუძველზე. ამასთან სამუშაოების ან მისი ნაწილის შესრულების თარიღად ჩაითვლება „შესრულებული სამუშაოების აქტში“ მითითებული თარიღი, დადასტურებული ტექნიკური ზედამხედველის მიერ.

7.2 იმ შემთხვევაში თუ შესრულებული სამუშაო ან მისი ნაწილი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველი ან მისი უფლებამოსილი პირი აცნობებს მიმწოდებელს

შემოწმების შედეგად დაწუნებული სამოშაოს მოცულობებს, წუნდების მიზეზის მითითებით. შემსყიდველი უფლებამოსილია, საკუთარი შეხედულებისამებრ განუსაზღვროს მიმწოდებელს გონივრული ვადა დაწუნებული სამუშაოს გამოსწორების მიზნით, აღნიშნული ვადის დარღვევის შემთხვევაში მიმწოდებელს დაეკისრება ხელშეკრულების 11.2. პუნქტით გათვალისწინებული პირგასამტეხლო შემსყიდველის მიერ განსაზღვრული გონივრული ვადის დასრულების თარიღიდან დეფექტების საბოლოო აღმოფხვრამდე.

7.3. ხარჯთაღრიცხვით გათვალისწინებული სამუშაოების მოცულობები შეიძლება შეიცვალოს ფაქტიურად შესასრულებელი სამუშაოების მოცულობების გათვალისწინებით, ხელშეკრულების საერთო ღირებულების გაზრდის გარეშე, რაზეც გაფორმდება შესაბამისი მიღება-ჩაბარების აქტი.

7.4 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი ხარვეზის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი შემსყიდველის მიერ წინასწარ განსაზღვრულ გონივრულ ვადაში. ხარვეზის აღმოფხვრასთან დაკავშირებული ვადა თავის მხრივ გავლენას არ ახდენს სამუშაოების შესრულების, წინამდებარე ხელშეკრულებით გათვალისწინებულ ვადებზე.

7.5 სამუშაოების (ან მისი ეტაპის) დასრულების შემდგომ დასაშვებია შუალედური აქტის გაფორმება.

8. ანგარიშსწორება

8.1 ანგარიშსწორების ვალუტა – ლარი.

8.2 ანგარიშსწორების ფორმა – ანგარიშსწორება მოხდება უნაღდო ანგარიშსწორებით ქალაქ თბილისის მუნიციპალიტეტის 2016 წლის ბიუჯეტით ვაკის რაიონის გამგეობისათვის დამტკიცებული ასიგნებებით. წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.3 შემსყიდველი იღებს ვალდებულებას გადაუხადოს მიმწოდებელს შესრულებული სამუშაოს ღირებულება მიღება-ჩაბარების აქტების გაფორმებიდან 10 (ათი) სამუშაო დღის განმავლობაში, მაგრამ არაუგვიანეს 2016 წლის 31 დეკემბრისა. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

8.4 შემსყიდველი უფლებამოსილია უარი თქვას ანგარიშსწორებაზე წინამდებარე ხელშეკრულებიდან გამომდინარე მიმწოდებლისათვის დაკისრებული პირგასამტეხლოს მიმწოდებლის მხრიდან, წინამდებარე ხელშეკრულების შესაბამისად სრულად გადახდამდე.

8.5. შესაძლებელია წინასწარი ანგარიშსწორება მიმწოდებლის მიერ წარმოდგენილი მოთხოვნის და მხოლოდ საქართველოს ეროვნული ბანკის მიერ ლიცენზირებული საბანკო დაწესებულების ან სსიპ „საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიის მიერ გაცემული გარანტიის საფუძველზე არაუმეტეს ხელშეკრულების ღირებულების 30%-სა. (ავანსის საბანკო გარანტიის ვადა 1 (ერთი) თვით უნდა აღემატებოდეს სამუშაოების დასრულების ვადას).

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლოდ მოკლე ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულებაში ცვლილებების შეტანა

10.1. ხელშეკრულებაში ცვლილების განხორციელება შესაძლებელია მხარეთა მიერ წერილობითი შეთანხმების საფუძველზე, გარდა ხელშეკრულების 7.3. პუნქტით გათვალისწინებული შემთხვევისა.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. ხელშეკრულების პირობების შეუსრულებლობა

11.1 წინამდებარე ხელშეკრულების მე-4 მუხლით, გათვალისწინებული ვალდებულებების შეუსრულებლობის ან არაჯეროვნად შესრულების შემთხვევაში (გარდა შესრულების ვადის და ხარვეზის აღმოფხვრისათვის წერილობით განსაზღვრული ვადის დარღვევისა), მიმწოდებელს თითოეული შემთხვევისათვის დაეკისრება პირგასამტეხლო ხელშეკრულების საერთო ღირებულების 0.1%-ის ოდენობით.

11.2 წინამდებარე ხელშეკრულებით გათვალისწინებული ხარვეზის აღმოფხვრისათვის წერილობით

განსაზღვრული გონივრული ვადის დარღვევის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო ხარვეზის მქონე სამუშაოს ღირებულების 0.1%-ის ოდენობით.

11.3 წინამდებარე ხელშეკრულებით გათვალისწინებული სამუშაოს შესრულების წერილობით განსაზღვრული ვადის დარღვევის შემთხვევაში მიმწოდებელს ეკისრება პირგასამტეხლო წერილობით განსაზღვრული სამუშაოს შეუსრულებელი ნაწილის ღირებულების 0.1%-ის ოდენობით ყოველ ვადაგადაცილებულ დღეზე.

11.4 წინამდებარე ხელშეკრულებით გათვალისწინებული სამუშაოს შესრულების საბოლოო ვადის ან/და წერილობით განსაზღვრული სამუშაოს შესრულების ვადის, 20 კალენდარულ დღეზე მეტი ვადით გადაცილების შემთხვევაში შემსყიდველი უფლებამოსილია მიმწოდებელს დააკისროს პირგასამტეხლო ყოველი ვადაგადაცილებული დღისათვის წერილობით განსაზღვრული სამუშაოს შეუსრულებელი ნაწილის ღირებულების 1%-ის ოდენობით.

11.5. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11.6. წინამდებარე მუხლით გათვალისწინებული გარემოებების არსებობისას ხელშეკრულების შეწყვეტის შემთხვევაში შემსყიდველი ვალდებულია აუნაზღაუროს მიმწოდებელს ფაქტობრივად შესრულებული სამუშაოს ღირებულება.

11.7. თუ მიმწოდებლის მხრიდან წინამდებარე ხელშეკრულებით გათვალისწინებული სამუშაოს შესრულების ვადის დარღვევა გამოწვეულია საექსპერტო ჯგუფის მიერ შესყიდვის ობიექტის ან მისი ნაწილის რაოდენობრივი და ხარისხობრივი პარამეტრების შემოწმებისათვის აუცილებელი დროის გამოყენებით, ასეთ შემთხვევაში არ იქნება გამოყენებული წინამდებარე მუხლის 11.2, 11.3 და 11.4 პუნქტებით გათვალისწინებული სანქცია.

11.8. წინამდებარე ხელშეკრულებიდან გამომდინარე მხარისათვის დაკისრებული პირგასამტეხლო გადახდილი უნდა იქნეს მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან ერთი თვის ვადაში.

12. ხელშეკრულების შეწყვეტა

12.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების ცალმხრივად შეწყვეტის შესახებ.

12.2. წინამდებარე ხელშეკრულებით გათვალისწინებული ვალდებულებების შეუსრულებლობის ან არაჯეროვნად შესრულების შემთხვევაში, შემსყიდველს უფლება აქვს ცალმხრივად შეწყვიტოს ხელშეკრულება.

12.3. ამ მუხლის 12.1 პუნქტით გათვალისწინებულ შემთხვევაში მხარეები ვალდებული არიან შეატყობინონ მეორე მხარეს ხელშეკრულების ცალმხრივად შეწყვეტის შესახებ მიღებული გადაწყვეტილების თაობაზე, მისი საფუძვლების და ამოქმედების თარიღის მითითებით.

12.4. შემსყიდველი უფლებამოსილია ცალმხრივად შეწყვიტოს ხელშეკრულება, ან უარი თქვას ცალკეული პირობის შესრულებაზე მათ შორის შემდეგ შემთხვევებში:

12.4.1. თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.4.2. მიმწოდებლის მიერ ხელშეკრულებით გათვალისწინებული სამუშაოს შესრულების საბოლოო ვადის ან/და სამუშაოს შესრულების წერილობით განსაზღვრული ვადის 20 დღეზე მეტი ვადით დარღვევის შემთხვევაში.

12.4.3. თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

12.4.4. მიმწოდებლის მიერ ხარვეზის გამოსწორებაზე უარის თქმის ან არ გამოსწორების შემთხვევაში.

12.4.5. მიმწოდებლის გაკოტრების შემთხვევაში;

12.4.6. საქართველოს კანონმდებლობით გათვალისწინებულ სხვა შემთხვევებში;

12.5. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

12.6. შემსყიდველი ვალდებულია აუნაზღაუროს მიმწოდებელს, ხელშეკრულების შეწყვეტის მომენტისათვის ფაქტიურად შესრულებული სამუშაოს ღირებულება.

12.7. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

12.8. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13. უფლებების და ვალდებულებების გადაცემის დაუშვებლობა

13.1 მიმწოდებელი შემსყიდველის წინასწარი წერილობითი თანხმობის გარეშე, არ არის უფლებამოსილი მთლიანად ან ნაწილობრივ გადასცეს წინამდებარე ხელშეკრულებიდან გამომდინარე თავისი ვალდებულებ(ებ)ი და უფლებ(ებ)ი მესამე პირ(ებ)ს.

14. ფორს-მაჟორი

14.1 ხელშეკრულების მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებ(ებ)ის შედეგი.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია სტიქიური მოწინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14.4 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის მოთხოვნის უფლების გარეშე.

15. სადავო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია საქართველოს კანონმდებლობით დადგენილი წესით მიმართოს საქართველოს საერთო სასამართლოებს.

16. ხელშეკრულების მოქმედების ვადა

16.1 ხელშეკრულების მოქმედების ვადაა ხელშეკრულების გაფორმებიდან 2016 წლის 31 დეკემბრის ჩათვლით, გარდა წინამდებარე ხელშეკრულების მე-5 მუხლით გათვალისწინებული შემთხვევისა.

17. უსაფრთხოება და გარემოს დაცვა

17.1 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

17.2 მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, მუშაობით გამოწვეული ხმაურის, ვიბრაციის და მტერის გავლენის მინიმუმადე დაყვანა.

17.3 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

17.4 მიმწოდებელი ვალდებულია სამუშაოები შესრულოს საქართველოში მოქმედი კანონმდებლობით დადგენილი უსაფრთხოების ნორმების დაცვით. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა.

17.5 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

18. სხვა პირობები

18.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

18.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
18.3 ხელშეკრულება შედგენილია თანაბარი იურიდიული ძალის მქონე, ორ იდენტურ ეგზემპლარად, ქართულ ენაზე, რომელთაგან ერთი გადაეცემა მიმწოდებელს ხოლო მეორე შემსყიდველს.

შემსყიდველი:

მიმწოდებელი:

დანართი N1

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი: პრეტენდენტის

ტელეფონის ნომერი: ელექტრონული მისამართი:

ბანკის კოდი:

ანგარიშსწორების ანგარიში:

პრეტენდენტის ხელმოწერა _____

ბ.ა.

ვაკის რაიონის გამგეობის ადმინისტრაციული შენობის ბრტყელი (რბილი) სახურავის შეკეთების სამუშაოები
ლოკალური ხარჯთაღრიცხვა

მისამართი: თამარაშვილის ქ. 10ა ვაკის რაიონის გამგეობა
რბილი სახურავის შეკეთების სამუშაოები

№	სამუშაოს დასახელება	განზომილებები	რაოდენობა	მასალა		ხელფასი		მთლიანი ღირებულება
				ერთ. ფასი	ჯამი	ერთ. ფასი	ჯამი	
1	რბილ სახურავზე ძველი ტოლის და "სტიაშკის" მოხსნა	კვ.მ	106					
2	პარაპეტის კედლების ლესვა ცემენტის ხსნარით 4მმ ვეთიელი ქვიშა ცემენტი	კვ.მ	65					
		კუბ.მ	2.6					
		ტ	0.7					
3	"სტიაშკის" მოწეობა სახურავზე 4სმ ქვიშა ცემენტი	კვ.მ კუბ.მ ტ	41 1,6 0,4					
4	მასალის ატანა სახურავზე (ცემენტი, ქვიშა, ლინოკრომი პრაიმერი გაზი)	ტ	9.4					
5	სახურავის ზედაპირის დასუფთავება	კვ.მ	620					
6	სახურავის დამუშავება პრაიმერით	კვ.მ	620					
		ლიტრი	186					
7	სახურავზე ლინოკრომის მოწეობა პრაიმერის მასტისაზე	კვ.მ	620					
8	ლინოკრომი 620:10=62 62X1.12 ჰიდროსაიზოლაციო მასალის და სხვა საჭირო მასალების (თხ, გაზი ლინოკრომი პრაიმერი)აზიდვა სახურავზე	ცალი	70					
		ტ	6.2					
9	სამშენებლო ნარჩენების, ნაგვის ჩამოტანა და დატვირთვა ა/მანქანაზე	ტ	2					
10	სამშენებლო ნარჩენების გატანა 25კმ	რეისი	1					
11	სამშენებლო მასალის მოტანა (ქვიშა ცემენტი)	რეისი	1					
12	დაზიანებული თუნუქის შეცვლა პარაპეტზე თუნუქი 12X0,45 ბეტონის ღურსმანი	გრძ.მ კვ.მ კვ	12 5,4 0,5					
13	სამშენებლო მასალის მოტანა(ლინოკრომი პრაიმერი თხ.გაზი) 3,5 ტ	ტ	3.5					
	ჯამი	ლარი						
	ზედნადები ხარჯები							
	ჯამი	ლარი						
	გვეგმიური დაგროვება							
	ჯამი	ლარი						
	დ.ღ.გ	18%						
	სულ	ლარი						

პრეტენდენტის ხელმოწერა _____ბ.ა.

შენიშვნა:

1. ხარჯთაღრიცხვის ექსელის ფორმატის ფაილი ატვირთულია სატენდერო დოკუმენტაციასთან ერთად.
2. ხარჯთაღრიცხვის შედგენისას იხელმძღვანელეთ საქართველოს მთავრობის 2014 წლის 14 იანვრის N55 დადგენილების (ტექნიკური რეგლამენტის "სამშენებლო სამუშაოების სახლემწიფო შესყიდვისას ზედნადები ხარჯებისა და გეგმიური მოგების განსაზღვრის წესის" დამტკიცების შესახებ) შესაბამისად.
4. ხარჯთაღრიცხვის შედგენისას პრეტენდენტმა უნდა გაითვალისწინოს, რომ სამშენებლო სამუშაოებზე ზედნადები ხარჯების ზღვრული ოდენობა განისაზღვროს არაუმეტეს 10%-ით, გეგმიური მოგება არაუმეტეს 8%-ით, გაუთვალისწინებელი ხარჯი ფიქსირებული 3%-ით. პირველადი ხარჯთაღრიცხვის დაზუსტების შემთხვევაში პრეტენდენტმა დაზუსტებული ხარჯთაღრიცხვა უნდა წარმოადგინოს ერთიან ელექტრონულ სისტემაში ატვირთულ პირველად ხარჯთაღრიცხვაში დაფიქსირებული ზედნადები ხარჯების, გეგმიური მოგების ხარჯის პროცენტული ოდენობის გაზრდის გარეშე;
5. მიმწოდებელმა უნდა გაითვალისწინოს, რომ ექსპერტმა უნდა აწარმოოს, მათ შორის, ფარული სამუშაოების ექსპერტიზა.

ინფორმაცია განხორციელებული შენობის სამშენებლო-სარეაბილიტაციო
(შეკეთების) სამუშაოების შესრულების შესახებ წარმოდგენილი უნდა იყოს შემდეგი ფორმით

N	ხელშეკრულების დასახელება და ნომერი	შემსყიდველი ორგანიზაციის დასახელება	ხელშეკრულების ღირებულება	ფაქტიურად გაწეული მომსახურების ღირებულება	SPA/CMR ნომერი	დასრულების თარიღი

პრეტენდენტის ხელმოწერა _____

ბ.ა.

შენიშვნა:

პრეტენდენტს 2014 წლიდან დღემდე უნდა გააჩნდეს არანაკლებ 100 000.00 ლარის ღირებულების შენობის სამშენებლო-სარეაბილიტაციო (შეკეთების) სამუშაოების შესრულების გამოცდილება და აღნიშნულის შესაბამისი დამადასტურებელი დოკუმენტაცია (ხელშეკრულებ(ებ)ი, მიღება-ჩაბარების აქტ(ებ)ი-ფორმა N2) ატვირთული უნდა იქნას ერთიან ელექტრონულ სისტემაში, ხოლო სახელმწიფო შესყიდვის განხორციელების შემთხვევაში პრეტენდენტს შეუძლია, ზემოთ მოცემულ ცხრილში მიუთითოს შესაბამისი SPA ან CMR ნომერი.

აღნიშნული მონაცემები უნდა იქნას ატვირთული ზემოაღნიშნული ცხრილის მიხედვით ერთიან ელექტრონულ სისტემაში.